

ղած հարստութեան արգելնքով շինուած են Առաջնորդարանի շէնքը և Միլլիք խան ըսուած կալուածը Ա.յնթապի մէջ :

**ՅՈՎԱԷՓ ՎԿԱՅ ԴՈՒԻՆՅԻ.**— Հին անունը Ապու պեֆիր. ծագումով պարսիկ. քրիստոնէութիւնը ընդունելով կը մկրտուի. Հաղբատ և Սանահին վանքերու այցելութենէն վերջ ուխտաւորութեամբ կ'այցելէ Երուսաղէմ և յետոյ կը դառնայ հայրենիք և 1170ին ալ կը նահատակուի Դուրնի Սատըրճիհան ամիրայապետէն և մարմինը կ'ամփոփուի Այրի վանքին մօտ (Գառնի) Սարգիս ճգնաւորին ձեռքով: Սոյն վկային ներքողեանը շարագրած է Դաւիթ քհ. ի խնդրոյ Մխիթար անուն մէկու մը: Յովսէփ կը կոչուի նաև նոր վկայ (Շնորհ. էջ 389—396):

**ՅՈՎԱԷՓ ՎՐԴ. ԲԵՐԱՅԻ.**— Մբ. 1782ին Յովակիմ պարք. Քանաքեռցիին կը նուիրէ վարդապետական գեղեցիկ գաւազան մը հետեւեալ յիշատակարանով. «Ի վայելումն Յովակիմայ երջանիկ պարք. ի Երուսաղէմի յիշատակ է գաւազանս Բերացի Յովսէփ վարդապետի և իւր ծնողացն ի դուռն Սրբոյն Յակոբայ. ընկալցի տէրն ի հաճոյս բարերար կամաց յանաչառ ողորմութեան իւրոյ ամէն.

Թվին հազար երկու հարիւր երեսուն և մէկ» (=1782):

**ՅՈՎԱԷՓ (Հ) ՎՐԴ. ԳԱԹՂՐՃԵԱՆ.**— Մբ. Վիեննայի Մխիթարեան վանքին. Ծ. 1820ին. Ձո. 1841ին. (✱1882): 1866ին ձեռագիրներու ուսումնասիրութեան համար կ'այցելէ Ս. Յակոբի վանքը (Սիօն. 1866. էջ 94): Հրատարակած է պատմ. և բանասիրական գործեր:

**ՅՈՎԱԷՓ ՎՐԴ.**— Մբ. կնիքը 1751. Լսպ. (1751—1774?). կը յաջորդէ Լսպ. Աստուածատուր վրդ. Ս. Յակոբի վանքին յիշատակ թողած է ոսկեգօծ սկիհ մը, և քառաքա խաչ մը և յլն:

**ՅՈՎԱԷՓ ՎՐԴ. ԹԻՖԼԻՍԻ.**— Մբ. 1860ին:

**ՅՈՎԱԷՓ ՎՐԴ. ԿՍՐԱՊԵՏԵԱՆ, ՊՈՂՍԵՑԻ, (ԵՐԱԺԻՇՏ).**— Մբ. Ս. Էջմիածնի. Ծ. 1889ին. աւաղանի անունը Գառնիկ. աչկ. Գուրուչէձէի Թարգմանչաց վարժ.ին. հետեւած է նաև Պոլսի Կալաթա Սարայի Լիսէին, և ստացած է դեղագործի վկայական 1911ին. 1919ին Երևան կը մեկնի և Էջմիածնի ձեմարանին մէջ բացուած Ամերիկեան Հիւանդանոցին մէջ կը կարգուի գլխաւոր դեղագործ: